



ÚDARÁS
CRAOLACHÁIN
NA hÉIREANN

BROADCASTING
AUTHORITY
OF IRELAND

Scéim Tacaíochta um Sheirbhísí Sealadacha 2021

Leabhrán Eolais

Réamhrá

I 2021, iarrann Údarás Craolacháin na hÉireann (“BAI”) iarratais chun iarratas a dhéanamh ar an **Scéim Tacaíochta um Sheirbhísí Sealadacha 2021**. Soláthróidh an BAI maoiniú chun tacú le craoltóirí fuaime a bhfuil ceadúnas sealadach acu le haghaidh gníomhaíochtaí oiliúna, forbartha agus / nó measúnaithe suas go dtí €500 ar a mhéad do gach iarratasóir.

Foghlaim agus Forbairt Earnála

I 2012, d’fhoilsigh an BAI a [Bheartas um Foghlaim agus Fhorbairt Earnála](#). Soláthraíonn an Beartas an chreatlach chun cur ar chumas an BAI fás leantach na hearnála a phleanáil, a mheas agus a mheasúnú agus tacú leis ar bhealach straitéiseach trí ghníomhaíochtaí agus chuir chuige éagsúla oiliúna agus forbartha laistigh dá shainchúram reachtúil agus straitéiseach. Léiríonn an Beartas na príomhthéamaí um Foghlaim agus Fhorbairt Earnála do 2012 agus ina dhiaidh sin agus tá an tAcht Craolacháin, 2009, agus Ráiteas Straitéise an BAI, 2021 - 2023, mar bhonn agus thaca aige.

Gabhann na príomhthéamaí fócas na Foghlama agus Forbartha Earnála i gcúig théama straitéiseacha a thagann as cuspóirí reachtaíochta agus straitéiseacha an BAI agus as comhairliúchán le craoltóirí agus le líonraí tionscail. Leagtar amach iad mar seo a leanas:

- Oibriú i gcomhpháirt le craoltóirí agus le líonraí tionscail,
- Pleanáil straitéiseach maidir le forbairt ar bhonn fadtéarmach,
- Forbairt a mheas agus a mheasúnú,
- Maoiniú agus tacaí eile,
- Cumas a fhorbairt don earnáil Chraolacháin.

Mionsonraítear príomhthéamaí Bheartas an BAI um Foghlaim agus Fhorbairt sa Bheartas. De réir phríomhthéamaí an Bheartais, ceanglaítear ar iarratasóirí buntacú lena dtograí oiliúna, forbartha agus / nó measúnaithe le ceann amháin nó níos mó ná ceann amháin de na téamaí seo.

Cé a d'fhéadfadh iarratas a chur isteach ar an Scéim seo?

Féadann na conraitheoirí seo a leanas iarratas a chur isteach ar an Scéim seo:

1. Iarratasóir nua ar cheadúnas sealadach,
2. Conraitheoirí a shealbhaíonn ceadúnas sealadach faoi láthair,
3. Conraitheoir a shealbhaigh ceadúnas sealadach sa 12 mhí a chuaigh thart.

Cé atá incháilithe?

- Ní mór do chonraitheoir iarratas a chur isteach ar cheadúnas sealadach i 2021 nó is gá go sealbhaíonn sé/sí nó gur shealbhaigh sé/sí conradh sealadach craoltóireachta fuaimne sa 12 mhí roimhe sin agus is gá gur íoc sé/sí tobhach craolacháin an BAI.
- Iarratas amháin sa cheadúnas sealadach a chur isteach sa bhliain.
- Cruthúnas d'íocaíocht tobhaigh a chur ar fáil.
- Ní mór an Fhoirm Iarratais a chomhlánú ina hiomláine.
- Tuarascáil deiridh agus ráiteas costais a chur isteach.
- Ba cheart ceann amháin nó níos mó ná ceann amháin de phríomhthéamaí an Bheartais Foghlama agus Forbartha Earnála a fhianú agus a bheith mar bhonn agus thaca ag an iarratas.

Cad é atá incháilithe?

Is é is aidhm don Scéim tacaíocht le haghaidh gníomhaíochtaí oiliúna, forbartha agus / nó measúnaithe a chur ar fáil do chraoltóirí fuaimne a bhfuil ceadúnas sealadach acu suas go dtí €500 ar a mhéad. D'fhéadfadh conraitheoir iarratas a chur isteach ar mhaoiniú le haghaidh gníomhaíochtaí a bhfuil sé mar aidhm acu tacú le gníomhaíochtaí oiliúna reatha nó d'fhéadfaí an maoiniú a úsáid chun gníomhaíochtaí oiliúna, forbartha agus / nó measúnaithe reatha nó roimhe an stáisiúin a mheas.

Déantar roinnt gníomhaíochtaí oiliúna, forbartha agus / nó measúnaithe a d'fhéadfadh a bheith ann a shainaithint thíos. Níl an liosta seo uileghabhálach.

- Ballraíocht de líonra bunaithe arna mhaoiniú ag an BAI (ar nós CRAOL, Learning Waves) chun rochtain ar chúrsaí agus ar cheardlanna oiliúna agus forbartha,

- Gníomhaíochtaí atá ceangailte le sainaithint riachtanas lucht féachana,
- Anailís mhion ar riachtanais oiliúna a dhéanamh (e.g. suirbhéanna, taighde nó fócasghrúpaí),
- Forbairt agus / nó athbhreithniú a dhéanamh ar straitéis lena n-áirítear an forbairt ráitis mhisin nó físe eagraíochta,
- Forbairt agus / nó athbhreithniú a dhéanamh ar bheartais agus nósanna imeachta stáisiúin amhail beartais rialachais, beartais mhaoinithe, beartais oibríthe deonacha, comhlíonadh, riarachán agus próisis chinnteoireachta,
- Oiliúint agus forbairt bainisteoireachta, foirne agus oibríthe deonacha i scileanna ‘boga agus cruá’ amhail neartú na foirniúlachta, leanúint de rannpháirtíocht oibríthe deonacha agus oiliúint theicniúil,
- Costas ar éascaitheoir / ar oiliúnóir nó ar thaighdeoir.

Cad é atá neamh-incháilithe?

Ní fhéadfar an maoiniú a úsáid le haghaidh na nithe seo a leanas;

- Caiteachas caipitiúil,
- Aon ghníomhaíocht nach bhfuil rangaithe mar oiliúint, forbairt nó mheasúnú,
- Costais Ghréasáin,
- Caidreamh poiblí do stáisiún.

Conas iarratas a chur isteach?

1. Próiseas Iarratais

Iarrtar ar chraoltóirí fuaimne a bhfuil ceadúnas sealadach acu iarratas a chur ar aghaidh trí úsáid a bhaint as **Foirm Iarratais na Scéime Tacaíochta um Sheirbhísí Sealadacha 2021**.

Tabhair na riachtanais seo a leanas den scéim do d'aire:

- Ba cheart d'iarratasóirí nua iarratas a chur isteach ar an Scéim seo agus a n-iarratas ar Cheadúnas Sealadach 2021 á chur isteach acu.

- Conraitheoirí a shealbhaíonn nó a shealbhaigh conradh sealadach craoltóireachta fuaimne sa 12 mhí roimhe sin agus a d'íoc tobhach craolacháin an BAI.
- Ní mór gach cuid den Fhoirm Iarratais a chomhlánú.
- Sainaithe go soiléir cé a sholáthróidh an ghníomhaíocht oiliúna, forbartha agus / nó measúnaithe seo.
- Is gá gur críochnaíodh obair oiliúna, forbartha agus / nó measúnaithe i 2021 nó go gcríochnófar í i 2022.
- Ní mór maoiniú leithdháilte a úsáid i gcomhair costas amháin faoi mar atá comhaontaithe ag Fóram Feidhmiúcháin an BAI ag an gcéim mhaoinithe. Soláthraítear treoir maidir le costais i bhFoirm Iarratais na Scéime.
- Ní mór iarratais shínte a chur isteach trí ríomhphost. Ní mór leaganacha leictreonacha a chur isteach i bhformáid Word nó pdf. Ní mór do dhuine údraithe íomchú an t-iarratas a shíniú.
- Ní mór aighneachtaí na Scéime um Sheirbhísí Sealadacha 2021 a chur isteach trí ríomhphost (i dteannta na foirme iarratais ar Cheadúnas) chuig secdev@bai.ie. Do chonraitheoirí a shealbhaíonn nó a shealbhaigh conradh sealadach craoltóireachta fuaimne sa 12 mhí roimhe sin, cuir an Scéim Tacaíochta um Sheirbhísí Sealadacha isteach trí ríomhphost chuig secdev@bai.ie.

2. Critéir mheasúnaithe agus mhaoinithe

Déanfaidh Fóram Feidhmiúcháin an BAI iarratais a mheasúnú. Is éard atá i bhFóram Feidhmiúcháin an BAI ná baill de Choiste Feidhmiúcháin an BAI a bhfuil freagracht orthu as gach iarratas ar cheadúnas sealadach a mheasúnú. Tabharfar fógra faoi chinntí d'iarratasóirí agus gheobhaidh siad cúiseanna leis an gcinneadh ó Fhóram Feidhmiúcháin an BAI.

Déanfaidh Fóram Feidhmiúcháin an BAI cinntí faoi mhaoiniú do gach iarratas bunaithe ar na critéir mar atá leagtha amach thíos.

1. Beartas um Fhoghlaim agus Fhorbairt Earnála

- Ar thug an togra faoi cheann amháin nó níos mó ná ceann amháin de na téamaí i mBeartas an BAI um Fhoghlaim agus Fhorbairt Earnála go leordhóthanach?
- Conas atá an téama (na téamaí seo) tábhachtach nó bainteach leis an gcraoltóir fuaimne a bhfuil cheadúnas sealadach aige/aici?

2. Caighdeán agus Soiléireacht an Iarratais

- Cibé acu a sholáthraítear cuntas soiléir agus achomair ar chuspóir na gníomhaíochta oiliúna, forbartha agus / nó measúnaithe,
- Cur chuige a ghlacfar,
- Cibé acu a sholáthraítear miondealú mionsonraithe ar chostais (gan CBL a áireamh) agus cibé acu atá siad réasúnta,
- Cibé acu is iomchuí atá an duine atá freagrach as an ngníomhaíocht oiliúna, forbartha agus / nó measúnaithe.

3. Tionchar ar an Stáisiún agus an Tairbhe a Bhainfidh sé as

- Measúnú ar cibé acu a chuirfidh an oiliúint, an fhorbairt agus / nó an measúnú le difríocht a dhéanamh don stáisiún nó don lucht féachana.
- Cibé acu a baineadh na cuspóirí amach agus a leagtar réalachas na gcuspóirí sin amach.

4. Luach ar Airgead

- An dtaispeánann an t-iarratasóir úsáid mhaith acmhainní?

5. Rannchuidiú an Stáisiúin

- Ar soláthraíodh fianaise shoiléir ar conas a éascóidh agus a shealbóidh an stáisiún na gníomhaíochtaí oiliúna agus / nó measúnaithe agus conas a chuirfidh sé leo?

6. Amscálaí

- Tiomnú d'amlínte réadúla laistigh de spriocdhátaí na Scéime.

3. *Sceideal Maoinithe*

Tabharfar fógra faoi chinneadh Fhóram Feidhmiúcháin an BAI d'iarratasóirí rathúla a luaithe is féidir.

Is mar seo a leanas atá an eisíocaíocht agus an leithdháileadh maoinithe:

- Deontas 100% eisíochta ar fháil a dhéanamh ar ráiteas costais, thuarascáil deiridh, admháil agus shonrasc de réir mar is cuí (ó oiliúnoir / éascaitheoir / thaighdeoir).

AN TUARASCÁIL DEIRIDH

Tá an Tuarascáil Deiridh ina gné thábhachtach den **Scéim Tacaíochta um Sheirbhísí Sealadacha 2021**. Tá sé mar chuspóir ag an Tuarascáil Deiridh cur síos a dhéanamh ar an oiliúint, ar an bhforbairt agus / nó ar an measúnú a cuireadh ar siúl. Ba cheart di a bheith bainteach le tograí faofa an BAI atá leagtha amach san Fhoirm Iarratais agus ba cheart di éirim ghinearálta a thabhairt ar an ngníomhaíocht oiliúna, forbartha agus / nó measúnaithe ar fad agus ar a tionchar ar an stáisiún agus ar an lucht féachana. Ba cheart di a thaispeáint conas a bhí Beartas an BAI um Fhoghlaim agus Fhorbairt Earnála mar bhonn agus thaca ag an ngníomhaíocht.

Ar a laghad, ba cheart di an fhaisnéis seo a leanas a chur ar fáil:

- Cad a bheartaigh an craoltóir fuaimse sealadach a bhaint amach agus cén fáth?
- Cé a bhí bainteach leis an oiliúint?
- Cé na gníomhaíochtaí a cuireadh ar siúl? Soláthair sonraí faoi na gníomhaíochtaí oiliúna agus / nó measúnaithe chomh maith le sonraí faoi ghníomhaíochtaí fógraíochta agus tacaíochta,
- An méid ar a raibh Beartas an BAI um Fhoghlaim agus Fhorbairt Earnála mar bhonn agus thaca ag an ngníomhaíocht,
- An méid ar ar baineadh na cuspóirí go léir amach,
- Cén tionchar a bhí ag an bpróiseas oiliúna, forbartha agus / nó measúnaithe ar an stáisiún agus conas a úsáidfear é sa todhcháí?
- Cén fhoghlaim a doiciméadaíodh le haghaidh gníomhaíochtaí sa todhcháí?

Ní mór sonraí cruinne faoi na costais go léir a tabhaíodh agus faoin dóigh ar eisíocadh an maoiniú a bheith sa Tuarascáil Deiridh freisin. Cuirtear í seo isteach sa ráiteas iniúchta / costais i dteannta cóipe den sonrasc agus aon admhálacha iomchuí. Ba cheart do dhuine údraithe iomchuí í seo a shíniú.

Cuimhnigh:

- Nach mór Foirm Tuarascála Deiridh a chur faoi bhráid an BAI faoin spriodhata sonraithe,
- Gur coinníoll maoinithe é doiciméadúchán deiridh ar an tionscadal a chur isteach,
- Mura gcuireann tú do Thuarascáil Deiridh isteach faoi spriodhata na Scéime, tá tú i mbaol d'íocaíocht a chailleadh.

Tá foireann an BAI um Fhoghlaim agus Fhorbairt Earnála ar fáil chun ceisteanna ar bith faoin Scéim a fhreagairt (01-6441200). Déan teagmháil le Fionnuala Murphy ar (01) 6441200 nó ar secdev@bai.ie má tá aon cheisteanna agat.

Leideanna agus Noda

- Bí eolach ar Bheartas an BAI um Fhoghlaim agus Fhorbairt Earnála - roghnaigh téamaí a bheidh mar bhonn agus thaca ag do thionscadal,
- Bí soiléir faoin méid ba mhaith leis an stáisiún a bhaint amach,
- Ba cheart cur síos scríofa soiléir agus achomair a leagan amach san iarratas - is fearr níos lú ná níos mó,
- Tabhair breac-chuntas ar mhiondealú mionchuntais ar gach ceann de na tascanna agus de na costais ghaolmhara,
- Iarr cúnaimh má tá sé de dhíth.

